

EDISIN JOSEPH KE UFỌK-ŊKPỌKỌBI KE MIDUEHE

Genesis 39:1-6, 19-23; 1 Peter 2:18-24

ỌYỌHỌ UKPEP-ŊKPỌ 34

Eke Ikpọ Owo

IKỌ IBUOT: “Nso ukpono odu do, edieke mbufọ emede ime ke ini esọnde ido ye mbufọ ke eridue ndudue? Edi edieke mbufọ emede ime ke ini ekutde ndutuhọ ke erinam nti ńkpọ, oro edi se inemde Abasi esit” (1 Peter 2:20).

I Uforo Joseph Ye Edinam Akpanikọ Esie Nte Akama-Ukpọhọre

- 1 Eda Joseph eka esen ebiet nte ofin ke ufọk Potiphar, Genesis 39:1, 2; 45:8
- 2 Enye osuk anam akpanikọ ọnọ Abasi onyūn ọbọ eridiọn Abasi ye uforo nte utip, Genesis 39:2, 3; Psalm 1:1-3
- 3 Potiphar emenere enye onim ke akamba idaha itie-utom, ndien oto ke ntak Joseph, Abasi ọdiọn enye, Genesis 39:4, 5; 12:3; Mme ńke 16:7
- 4 Joseph owut idem nte akama-ukpọhọre anam-akpanikọ, Genesis 39:6; 1 ńwẹd Corinth 4:2

II Idomo Joseph Ye Edisin Enye Ke Ufọk-Ŋkpọkọbi Ke Unana Ndudue

- 1 ńwan Potiphar odorị Joseph ikọ, Genesis 39:19; 1 Peter 4:4, 5
- 2 Potiphar ọnọ uyo ete esin Joseph ke ufọk-ńkpọkọbi ke enye mitimke iduńhọre ikpe esie, Genesis 39:20; Psalm 105:17-19
- 3 Abasi ama odu ye enye ke ini ukut ye idomo esie, Genesis 39:21; Psalm 34:19; Isaiah 43:2; 1 ńwẹd Corinth 10:13
- 4 Joseph okosuk edi akama-ukpọhọre anam-akpanikọ kpa ke ini enye odude ke ufọk-ńkpọkọbi, Genesis 39:21-23; 1 Peter 2:18-24; ńwẹd Mbon Rome 12:17, 18.

SE EKPEPDE EBAŅA

Ekut Joseph idahaemi ke mme ebiet emi otimde ọkpuhọre ye se enye ọkọfiokde ke ini uyen esie. Ete esie ama enyene inyene eti-eti ke udim erọn ye ufene; edi ndusuk ini obufa ifiok ọkọsuhọ ọnọ enye ke ufọk Potiphar, ke Egypt, ndiwut akparawa emi uyai ye uyuhọ emi odude ke ńkoń-ńkoń itie. Nditọ-ete esie ekenyam enye esin ke itie ofin; edi nnyin ikut ite ke idiok edinam emi ikanamke enye ọkpọn Abasi ete ye eke mme ete-ete esie. Nte ekpři eyen, enye ekedi anam-akpanikọ emi mikayakke mbukpo edinam nditọ-ete esie ebiet enye; edi idahaemi akana edomo eti uwem esie oro ntọtuń-ntọtuń ekan nte ekedide ke mbemiso. Ke kpukpru emi, enye ama eneńere okut odudu Abasi emi okomumde enye akama ke kpukpru mme mkpọsọn ini idomo oro, ndien oto ke edinam-akpanikọ esie enye akabare edi uwut-ńkpọ emi ayamade ọnọ kpukpru owo ke ofuri emana.

Ke eritọnọ ikot emi Abasi okokotde Abraham, ama ọńwọnọ mme edidiọn emi okponde akan ke heaven ye isọn ọnọ owo Abasi oro ye ubon esie emi editienede enye. Nnyin imokut ke emi nte eńwọnọ Esie osude: “Nyenyuń ndiọn mmọ eke edidiọnde fi.” Joseph ekedi eyen-ufọk emi okokutde mfọniso ke ubok ada-idaha ke Egypt; ndien Abasi ama okpono eńwọnọ Esie ke ndidiọn Potiphar oto ke ntak Joseph. Abasi ikemeke ndifre mme ediomi Esie. Enye iduonke ke ndinam mme eńwọnọ Esie. Nnyin imekeme “ndiwuk ekikere ndibọ” mmọ kiet kiet nnyuń mbuot idem ke mmọ ke kpukpru mme mfina uwem.

Anam-idiok ekeme nditiń mme owo anam ńkpọ ọnọ Abasi ke akpanikọ mme inamke. Ete-ufọk Joseph ama okut ete Abasi odu ye enye. Enye ama anam utom akpanikọ ọnọ ete-ufọk esie nte ukeme esie ekedide onyūn owut ete ke ekeme ndibuot idem ye enye ke kpukpru ńkpọ.

Ata akamba ukpep-ńkpọ esine mi ọnọ nnyin. Ke ini nnyin inamde utom inọ owo, nnyin inyene ndinam enye ofiok ete ke enye ekeme ndibere ọyọhọ-ọyọhọ ye nnyin ke itie utom esie ńkan kpukpru mbio eken oto nsin ifik ye edinam akpanikọ nnyin. Ke utọ usuń oro enye eyekut utibe ukpuhọre emi Abasi anamde ke uwem nnyin ndien enye eyetim ọfiok utibe odudu eke odude ke Eti-mbuk Christ.

Ifiok emi abanade ata Abasi ama odu ke Egypt ini oro, okposuk edi nte edikpono Abasi mikotọnọke do, mmọ mikonyuń inyimeke enam ntre do. Emi ekeme ndito ke uwem owo Abasi, emi Abraham okodude ke adanāemi enye akanamde isan okodu ke isọn ukpono-ndem oro. Potiphar ama enyene ndusuk ifiok abanā Abasi, koro enye okodiọnọde ete ke Abasi ama odu ye Joseph.

Ofon adaña didie nnyin nditim mkpeme nte idude uwem ke otu mme idiok-owo! Ebiet ekededi nnyin ikade, owo kekpeme ndise mme nnyin imodu uwem nte asañade ekekem ke mme idaha ikọ Abasi emi nnyin idohode ite ke imenyene. Ebiet ndomo kiet iduhe emi edu uwem nnyin midinyeneke se anamde ke uwem mmọ efen, edieke nnyin itimde inyene ebuana ye Abasi ye Heaven, nko ebiet ndomo kiet iduhe emi uñwana nnyin mmidibinke ekim ifep edieke Uñwana ererimbot odude ke esit nnyin. Joseph ekedi eyen-ufok emi anamde akpanikọ ọnọ Abasi esie ke ebiet ekededi, ekpedi ke iñwañ mme ye nditọ ete esie, ke ufok Potiphar nte eyen-ufok mme nte akama ukpohore, ke ufok-ñkpokobi ke idak ukwañ ubierikpe, mme ke ebekpo nte andikara Egypt.

Ke ini oyobio uwem misimke owo kaña, ndien etie nte kpukpru ñkpọ efon, nnyin inyene nditim mkpeme mbak asua ukpọñ nnyin edinim afia man omum nnyin. Mme idomo eyedi etiene owo nnyin kiet-kiet. Oto ke mmọ nnyin itim isoñọ iwut nsọñọ-nda ye ima emi nnyin inyenede inọ Abasi. Owo ikosioho Joseph ifep ke emi, idomo ama etiene enye ke ini kpukpru ñkpọ eketiede nte efon ye enye.

Nte enye emi okokutde mfon ke iso ete-ufok esie, Joseph eke-nyene utom ndise mbaña kpukpru mme utom emi enamde ke okure owo inyene oro. Mme utom esie ema enam enye ekpere ñwan ete-ufok esie, ndien sia enye ekedide ediye eren owo, mma oro ama oyom enye ofiok imọ onyūñ anam idiok-ñkpọ. Ke enye ndikpenyime nno uduak ye ekikere esie, okpokoworo enye ndikpu Abasi ye ete-ufok esie. Enye ama abak Abasi onyūñ ama Enye, ikonyūñ iyomke ndinam ñkpọ ndomo kiet ndiyat Enye esit. Enye nko ama enyene akwa esit ekom ọnọ ete-ufok esie, Potiphar ke abaña mme nti ñkpọ emi enye akanamde ọnọ enye, emi ke mbemiso ekedepde enye nte ofin, edi otọñode ke ini oro ofon ye enye onyūñ obuotidem ye enye.

Ndusuk idomo edi se owo atuakde ada ke odudu, añwana onyūñ akan, edi inyene ndifehe ñkpọñ ndusuk mmọ. Ke mme utọ ini ntem, edieke nnyin idomode ndida mfaña mme ndiyom ntak nsobo eyesim nnyin. Eti item nditiene edi “Fehe ke akpa ntọñọ idiok-ñkpọ.” Uwem Joseph edi ata ñworo-nda uwem ukpep-ñkpọ. Enye ikanamke mbuburu mme ndinyime nno obuk ye iyip, sia enye okofiodke ete Egypt ekedi idut mme okpono ndem, emi oburobut idiok-ñkpọ ekeyohode, ke ntre enye ikpobohọ eti uñwan ndomo kiet.

Enye ikeduhe aba ke idak mbet emi ebode ke ufok ye se mmọ edade enọ ke uwem owo. Ediwak owo ke utọ ini ntre ekere ete ke mmimọ ikpana nte “inam se kpukpru owo enamde” inyūñ “inam nte mbon Rome enamde.” Edi ikedighe ntre ye owo Abasi emi. Edisana uwem esie ikedighe ñkpọ emi enye anamde etiene ebiet enye odude. Enye okonim Abasi emi ekedide odu uwem Ebieri-ikpe ke akpanikọ, emi anade nte ọnọ owo eke abiatde mbet Esie ufen, emi onyūñ edide Abasi ima, emi ebeñede idem ndinọ nti nditọ-ufok Esie utip. Enye okoyom ndikpono Abasi emi ke kpukpru ebiet ye idaha. Enye akanam ke Egypt ukem-ukem se enye akpanamde ke Canaan.

Ido Satan kpukpru ini edi ndibem iso ndomo owo man anam idiok-ñkpọ, ndien ke owo oro miduohọ ke idomo oro, enye odori owo oro ikọ ete ke enye ama ananam idiok-ñkpọ oro. Enye edi “enye emi odoride” nditọ-ete ikọ. Nwan Potiphar ama odomo Joseph; ndien ke enye mikekemeke ndinam uduak esie ọworo ada, enye ama odori enye ikọ ke abaña idiok-ñkpọ emi enye okoyomde enye anam. Enye okoyom ndinam ntem man osio Joseph usiene idiok onyūñ ada oro ndinyaña idem esie nsio ke kpukpru mfina emi okpokoworo enye. Kpukpru nnyin kiet-kiet idi mmọ emi asua esidoride ikọ ke abaña idiok edinam, koro se enye akadade odori nnyin ikọ oro edide nsu emi enye anamde ye ekikere ibak nditap nnyin ndinyūñ nnam nnyin iyik utom mfon emi Abasi akanamde ke esit nnyin. Ke mme utọ idaha ntem, ifet iduhe ndinam mbuburu ye andidiok. Ana ndien nnyin iñwana ye enye ke ofuri odudu emi Abasi ọnode nnyin, man ibohọ idomo emi adade owo aka hell ye ikọ ebiri. Nditieni usuñ efen, ọworo ete ke eyekan nnyin.

Mi ke okposon ini Joseph okotono ke abaña edidomo enye ye ukpep-ñkpọ esie. Ndinyam enye nsin ke ukat, nte ofin, ekedi ata okposon idomo mbuotidem emi enye ekenyenede oto Okposon Abasi nte andikpeme mmọ emi edide eke Esie. Edi ke emi, nditop enye nsin ke ufok-ñkpokobi ke abaña nsu-nsu ikọ emi etiñde edian enye, ke ini akpakayakde idem ọnọ idiok oro, onyūñ efre abaña Abasi ye mbet uwem akpakanyañade enye osio ke ukut emi, ekedi ata okposon idomo ke akpanikọ. Edi, kom Abasi, koro Joseph ama osono ada anam akpanikọ ọnọ Abasi onyūñ owut ete ke ekeme ndibuotidem ke enye ke akwa idaha ukpono emi esinade ke edisana uduak Abasi emi odude ke ini iso.

Owo kiet ama odohọ ete, “Mme inuen oro efede edok ke ata enyōñ edi mmọ emi eketono ye okposon ukpep-ñkpọ.” Abasi ayayak mme isuñ-utom Esie esaña ebe ke mkposon ini idomo, man ekeñ kpukpru ñkeñ mbio esio, nko man mmọ ekpekepe ndibere ntotoñ-ntotoñ ke Abasi ke kpukpru ini ñkpọ-ntibe emi owo mikedorike enyin edade itie ke uwem.

Usop-usop utip emi okotode uwem unana ndudue Joseph ke ufok-ñkpokobi okowut idaha mbuotidem efen emi ekpeme ufok-ñkpokobi ekenyenede ke enye. Akpatre utip ekedi enye ndidi andikara ke Egypt ye nsinsi mfon emi okotode akwa Abasi enyōñ ye isoñ.

MME MBUME

- 1 Anie ekedep Joseph nte ofin oto mbon Ishmael?
- 2 Nso utọ utom ke Joseph akanam ọnọ obufa ete-ufọk esie?
- 3 Nso ke Abasi edinam ọnọ mmọ oro efọnde mfọn enyufi ediofi de ikọt Esie?
- 4 Joseph ekedi owo isua ifaifi ke ini emi?
- 5 Nte Joseph ama osuk ama ete ufọk esie nte enye akamade ke akpa?
- 6 Nso ke nnyin ikpanam ke ini mme idomo edide etiene nnyin, akpan-akpan mmọ oro nnyin ibode ufen ke abana se nnyin miduehe?
- 7 Nte idiok ubierikpe ndika ifiokobi ama esin ndot-ndot ifiokọ ke esit Joseph ke abafia Abasi?
- 8 Nte ete-ufọk Joseph ke usufi ekededi ama otim odiokọ ifiok abafia Abasi Abraham ye Isaac?
- 9 Ntak emi ifi emi “ke ini odude ke Rome, enyene ndinam nte mbon Rome enamde” edide ata idiok-ifiok nditiene?
- 10 Tifi mme ifwof-nda ukpep-ifiok anditiene-Christ emi afo obode oto ke ukpep-ifiok emi.